



Altjematimgeoel.



I APAPIG AG TOAGAN

1. Altjemaganei magamigeo temengatimeg, oetgitameg oetji pgötji altjematimg glapis ellotaganel 235 lepie, ag lamlotaganitjig apapig 90

2. Teli eltagalotjig apapig; natami geginogoatasig tan oetji pgötji altjematimg ag neoitjig eltagalotjig apapig oetji gisitasig lesigenei lamlotagan.

3. Opagamigtog igatemg tan igamiteo notji msenaoet, nesesitjig apapig natami 90 lepie, paseg otetjegoei misiaasig etoio.

4. Tapodoeag amsgeseoeg apapig lamlotaganeg eli siaaatitjig misögo osigitogeoei ellotagan; tögo oeli ginogoatitjig ogisi nemitasin miset tami.

5. Aptj sgoaigel lamlotagan ag noctji msenaoet otigataganem, tapogol epmetog igatasigel ellotaganel 50x75 lepie, netna altjemeoinog otigataganitjoal.

6. Tögo natel elp epmetog taposittjig apapig igaletjig 15 lepie oetgitameg tanig siaaatitjig, neote teli mitagaltitj; teli gamitag notaogtigemoetjig.

7. Agetaitjel inaganei amsgeseoel lamlotaganeci apapi, aptj gteg igatasig ellotagantjij 3 lepie teli sgeg ag 45 telpitag.

8. Etoio tan teli pgötji altjematimeg, tapogol ellotagantjitel, teli oisgasigel 8 ag 9, igatasigel otjig altjemaganatgoei tjinem, gitg 4x6 lepie.

9. Megoaig lamlotaganigton igatasig tan igamitjel notleget, nepsetgoteg 15 mitjin ag eli nisgamig apapigtoel.

10. Tan teli pgötji altjematimg lamlotagantjij 17x12x8½ mitjin geginogoatasig, nangel osisgotjel. Gtegel nesisigel getjigasigel etli nagetamgel 15x15 mitjin.

11. Tan oetji pgötji altjematimg ag tan igamitjel notleget octji ginoegel oapasis lópel telenig aglasieoigton ag tetpagateg magamigeoigton.

12. Sgato gtegel etli nagetamgel oapig segigenatgoei montitj igatasig.

13. Gtegig apapig miomatj oetji ginogoatasitjig gagaifog gisna piloel gógoei oapeg golaman oli nemitasitag misigotjoigton gisna magamigeoigton.

14. Toagan galgie engatigen gisna me gitjga gesgolg eoasit, pesgonateg

mitjin giogtoggio telpitogsit. Natapteget ma peli gogonagoi tapoogsil'itji; golaman neotjig gsegalj aptj gteg sgeamtog gisi neiasit. Sgato ma eoameg glapis gitögötgoaltitjig gisi gagi giotögötgoaltitj. Elm tépetog tan eipa getoi gzeagalatjel toaganel gisna segoisgalatjel, tpelomogsiteo \$5.00. Toagang pegoatelgoitj tani oligotemitj altjemagán, maoiomigtog tet blei.

15. Altjemaganatgo, eomeg giötöglilogoasig 42 mitjin telpitag 2½ telig tan teli maogig; tögo tesig elnigemotjel, paseg 18 mitjin tan teli osoatasig apapi gisi tetpitonasiteo gisna teppoanatasiteo.

II. ALTJEMEOINOG

16. Taponemigsitjig eta, tögo pegoateg tesitjig tjinemog etoio neogti altjematitjig, neogtetjig niganpogoitjel.

17. Tan paseg tami gisi igalotjig, paseg notleget gesg elegetjel telganteo tan telgitasig teplotaganigton 30 ei, ag notji msenaoet otigataganemigtog 10 lepie telpesog tan oetji pgötji altjematimg.

18. Altjemeoinog tanig neogte teli asonöltitjig ma oiaqpoltitlog gtegi mimatjoino angaptemoatilitji.

19. Taponemig tan teli ngoti asonöltittag; neogtonemig ometgioag, ag gteg tan tami seg eli altjematitjig; maoen gógoel ógösgitapilemog ogoatg, slg eta altjematimgoei gasaoðgoel.

20. Notji msenaoet gisna tan nigani etli nagetamgeoci tjinem gisi nasgoatjel tan paseg piltjaganel gisna natjiltjaganel, sgato gtegig opiltjaganemoo ma plamilog 14 mitjin mtelamitjemg, ag ma piami gsolog agetaig engatigen gisna me gitjga..

21. Tapogol motpotil teli igatasittal 25 lepie oetjategemg apapig tan teli polittag altjemeoinog tanig mógoetj altjematitlog, neogti motpotigtog tanig ometgioag eilig ag gteg tanig seg oetjitatjig. Tan mo getol paslog natel \$5. apangitteo gisna tjal tjigelaten altjemaganigton.

III. ALTJEMATIMGEL

22. Oisoigenðtegemgeoci altjemagan ma pögtamgianog me tögoagtijitj tjal mo tapogol atjetjel galgoasiteo, ag gagiaeotan gitg neogtoneinigsitjig altjemeoinog glapis pesgonateg tes